



Broj: 02-50-1-16-49/10

Sarajevo, 1. 9. 2010.

BOSNA I HERCEGOVINA
PARLAMENTARNA SKUPŠTINA
PREDSTAVNIČKI DOM

PREDMET: Obavještenje s 49. sjednice Doma naroda Parlamentarne skupštine BiH

Dom naroda Parlamentarne skupštine BiH je na 49. sjednici, održanoj 1.9.2010., razmatrao sljedeće tačke dnevnog reda:

1. Prijedlog zakona o dopunama Zakona o službi u Oružanim snagama BiH (drugo čitanje), predlagač: Predstavnički dom;
2. Prijedlog zakona o izmjenama Zakona o upravnim sporovima Bosne i Hercegovine (drugo čitanje), predlagač: Vijeće ministara BiH;
3. Prijedlog izmjena i dopuna Kodeksa ponašanja poslanika i delegata u Parlamentarnoj skupštini BiH (drugo čitanje), predlagač: Zajednička komisija za ljudska prava, prava djeteta, mlade, imigraciju, izbjeglice, azil i etiku;
4. Prijedlog zakona o međunarodnom i međuentitetskom drumskom prijevozu (prvo čitanje), predlagač: Vijeće ministara BiH;
5. Potvrđivanje Odluke o upućivanju pripadnika Oružanih snaga Bosne i Hercegovine u misiju Snage međunarodne sigurnosne pomoći (ISAF) u Islamsku Republiku Afganistan;
6. Imenovanje članova u Stručnu komisiju DTT Foruma (materijal Ministarstva komunikacija i prometa BiH);
7. Izmjena u zaključku Doma naroda s 47. sjednice, održane 24.6.2010., povodom zaduživanja zamjenika ministra sigurnosti BiH Mije Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije;
8. Davanje saglasnosti za ratifikaciju Sporazuma između Vijeća ministara BiH i Vlade Republike Turske o saradnji u oblasti zdravstva;
9. Davanje saglasnosti za ratifikaciju Sporazuma između Češke Republike i Bosne i Hercegovine o razmjeni i obostranoj zaštiti tajnih podataka;

10. Davanje saglasnosti za ratifikaciju Sporazuma o ekonomskoj saradnji između Ministarstva vanjske trgovine i ekonomskih odnosa BiH i Ministarstva industrije i trgovine Češke Republike;
11. Davanje saglasnosti za ratifikaciju Sporazuma između Vijeća ministara BiH i Vlade Republike Srbije u oblasti obrazovanja, kulture i sporta;
12. Davanje saglasnosti za ratifikaciju Sporazuma između Bosne i Hercegovine i Međunarodne asocijacije za razvoj – Prvo programsko finansiranje za razvojne politike javne potrošnje;
13. Davanje saglasnosti za ratifikaciju Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima;
14. Davanje saglasnosti za ratifikaciju Sporazuma između Bosne i Hercegovine i Međunarodne banke za obnovu i razvoj – Prvi programski zajam za razvojne politike javne potrošnje;
15. Davanje saglasnosti za ratifikaciju Sporazuma o finansiranju između Bosne i Hercegovine i Međunarodne asocijacije za razvoj – *Projekat podrške mrežama socijalne sigurnosti i zapošljavanju*;
16. Davanje saglasnosti za ratifikaciju Sporazuma između Vijeća ministara BiH i Vlade Federativne Republike Brazil o djelimičnom ukidanju viza;
17. Davanje saglasnosti za ratifikaciju Sporazuma između Vijeća ministara BiH i Vlade Arapske Republike Egipat o uzajamnom ukidanju viza za nosioce diplomatskih, službenih i specijalnih pasoša;
18. Davanje saglasnosti za ratifikaciju Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Raiffeisen Zentralbank Österreich Aktiengesellschaft - *Izgradnja nove bolnice u Bijeljini*;
19. Davanje saglasnosti za ratifikaciju Sporazuma o saradnji u oblasti turizma između Vijeća ministara BiH i Vlade Crne Gore;
20. Davanje saglasnosti za ratifikaciju Sporazuma između Bosne i Hercegovine i Narodne Demokratske Republike Alžir o izbjegavanju dvostrukog oporezivanja i sprečavanju fiskalne evazije u odnosu na poreze na dohodak i imovinu;
21. Davanje saglasnosti za ratifikaciju Sporazuma o zračnom saobraćaju između Vijeća ministara BiH i Vlade Republike Indije;
22. Davanje saglasnosti za ratifikaciju Statuta Međunarodne agencije za obnovljenu energiju (IRENA);

23. Davanje saglasnosti za ratifikaciju Protokola između Vijeća ministara BiH i Vlade Republike Estonije o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole;
24. Imenovanje člana Upravnog odbora Javnog radiotelevizijskog servisa Bosne i Hercegovine iz hrvatskog naroda (rang-lista Regulatorne agencije za komunikacije);
25. Prijedlog zakona o popisu stanovništva, domaćinstava i stanova u Bosni i Hercegovini 2011. godine (drugo čitanje), predlagač: Predstavnički dom.

Ad.1.

Dom naroda **usvojio je** Zakon o dopunama Zakona o službi u Oružanim snagama BiH u predloženom tekstu.

Ad.2.

Dom naroda **usvojio je** Zakon o izmjenama Zakona o upravnim sporovima Bosne i Hercegovine u predloženom tekstu.

Ad.3.

Dom naroda **usvojio je** Izmjenu i dopunu Kodeksa ponašanja poslanika i delegata u Parlamentarnoj skupštini BiH sa sljedećim amandmanom:

Amandman I.

Poglavlje I. briše se.

S obzirom da je Kodeks ponašanja poslanika i delegata u Parlamentarnoj skupštini BiH usvojen u različitom tekstu od onog usvojenog u Predstavničkom domu, Dom naroda osnovao je Zajedničku komisiju za usaglašavanje teksta Kodeksa. Za članove Zajedničke komisije iz Doma naroda **imenovani su: Ivo Miro Jović, Alma Čolo i Zoran Koprivica.**

Ad.4.

Dom naroda **usvojio je u prvom čitanju** Prijedlog zakona o međunarodnom i međuentitetskom drumskom prijevozu.

Ad.5.

Dom naroda **potvrdio je** Odluku o upućivanju pripadnika Oružanih snaga Bosne i Hercegovine u misiju Snage međunarodne sigurnosne pomoći (ISAF) u Islamsku Republiku Afganistan.

Ad.6.

Dom naroda imenovao je **Ivu Miru Jovića** za člana Stručne komisije DTT Foruma.

Ad.7.

Dom naroda **usvojio je** Izmjene zaključka koje je ovaj dom usvojio na 47. sjednici povodom zaduživanja zamjenika ministra sigurnosti Mije Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije.

Zaključak glasi:

„Dom naroda Parlamentarne skupštine BiH zadužuje zamjenika ministra sigurnosti BiH Miju Krešića da obavlja dužnost vršioca dužnosti direktora Agencije za prevenciju korupcije i koordinaciju borbe protiv korupcije do izbora direktora Agencije na osnovu Zakona o Agenciji za prevenciju korupcije i koordinaciju borbe protiv korupcije („Službeni glasnik BiH“, broj 103/09)“.

Ad.8., 9., 10., 11., 12., 13., 14., 15., 16., 17., 18., 19., 20., 21., 22. i 23.

Dom naroda dao je saglasnost za ratifikaciju:

- Sporazuma između Vijeća ministara BiH i Vlade Republike Turske o saradnji u oblasti zdravstva;
- Sporazuma između Češke Republike i Bosne i Hercegovine o razmjeni i obostranoj zaštiti tajnih podataka;
- Sporazuma o ekonomskoj saradnji između Ministarstva vanjske trgovine i ekonomskih odnosa BiH i Ministarstva industrije i trgovine Češke Republike;
- Sporazuma između Vijeća ministara BiH i Vlade Republike Srbije u oblasti obrazovanja, kulture i sporta;
- Sporazuma između Bosne i Hercegovine i Međunarodne asocijacije za razvoj – Prvo programsko finansiranje za razvojne politike javne potrošnje;
- Ugovora između Bosne i Hercegovine i Republike Srbije o izmjenama i dopunama Ugovora između Bosne i Hercegovine i Srbije i Crne Gore o međusobnom izvršavanju sudskih odluka u krivičnim stvarima;
- Sporazuma između Bosne i Hercegovine i Međunarodne banke za obnovu i razvoj – Prvi programski zajam za razvojne politike javne potrošnje;
- Sporazuma o finansiranju između Bosne i Hercegovine i Međunarodne asocijacije za razvoj – *Projekat podrške mrežama socijalne sigurnosti i zapošljavanju*;
- Sporazuma između Vijeća ministara BiH i Vlade Federativne Republike Brazil o djelimičnom ukidanju viza;

- Sporazuma između Vijeća ministara BiH i Vlade Arapske Republike Egipat o uzajamnom ukidanju viza za nosioce diplomatskih, službenih i specijalnih pasoša;
- Sporazuma o kreditu između Bosne i Hercegovine, koju zastupa Ministarstvo finansija i trezora, i Raiffeisen Zentralbank Österreich Aktiengesellschaft - *Izgradnja nove bolnice u Bijeljini*;
- Sporazuma o saradnji u oblasti turizma između Vijeća ministara BiH i Vlade Crne Gore;
- Sporazuma između Bosne i Hercegovine i Narodne Demokratske Republike Alžir o izbjegavanju dvostrukog oporezivanja i sprečavanju fiskalne evazije u odnosu na poreze na dohodak i imovinu;
- Sporazuma o zračnom saobraćaju između Vijeća ministara BiH i Vlade Republike Indije;
- Statuta Međunarodne agencije za obnovljenu energiju (IRENA);
- Protokola između Vijeća ministara BiH i Vlade Republike Estonije o provođenju Sporazuma između Evropske zajednice i Bosne i Hercegovine o readmisiji lica koja borave bez dozvole.

Ad. 24.

Nakon pojedinačnog glasanja o svakom kandidatu za člana Upravnog odbora Javnog radiotelevizijskog servisa Bosne i Hercegovine iz hrvatskog naroda koji je predložila Regulatorna agencija za komunikacije, **nijedan od predloženih kandidata nije dobio potrebnu većinu.**

Ad.25.

S obzirom da su tri delegata iz Republike Srpske napustila sjednicu, sjednica Doma naroda je prekinuta i nije vođena rasprava o Prijedlogu zakona o popisu stanovništva, domaćinstava i stanova u Bosni i Hercegovini 2011. godine, čiji je predlagač Predstavnički dom.

PREDSJEDAVAJUĆA

DOMA NARODA

Dušanka Majkić